

Fréttatilkynning til fjölmíðla frá Samtökum um Kvennalista.

Vegna yfirlýsingagleði formanna Alþýðubandalags og Alþýðuflokks í kvöldfréttum þriðjudaginn 20. september verður Kvennalistinn enn að áréttu sína skoðun á málunum.

Í fyrsta lagi: Kvennalistinn krefst kosninga hið fyrsta. Því höfnum við viðræðum um myndun stjórnar til **frambúðar** hverju nefni sem hún kann að nefnast. Við teljum það í hæsta méta ólýðræðislegt að þjóðin fái ekki að láta í ljós álit sitt á því ástandi sem nú hefur skapast, auk þess sem skoðanakannanir síðustu mánaða sýna berlega að þjóðin vill breytt styrkleikahlutföll á Alþingi. Því gerum við kosningar að úrslitaatriði nú við myndun stjórnar, hvort sem væri með þátttöku okkar eða hlutleysisyfirlýsingu.

Í öðru lagi: Kvennalistinn sér glöggt eins og aðrir að í óefni er komið í efnahags- og atvinnumálum þjóðarinnar. Við því verður að bregðast skjótt og má ekki bíða kosninga. Kvennalistinn hefur lagt til að þjóðstjórn verði mynduð hið bráðasta þar sem allir flokkar og samtök legðust á eitt, slíðruðu sverðin og ýttu eigin sér- og áhugamálum til hliðar í bili, gerðu nauðsynlegustu réðstafanir og boðuðu síðan til kosninga.

Í þriðja lagi: Í tillögu okkar um samstjórn allra flokka felst í sjálfu sér ekki nein höfnun á öðrum stjórnarmynstrum. Fyrsta og brýnasta verkefni nýrrar stjórnar er að koma atvinnuvegum landsins á réttan kjöl - en það má ekki gerast á kostnað launafólks. Ef Kvennalistinn á að vera aðili að meirihlutastjórn verður hún að standa við gerða kjarasamninga, vernda kaupmátt lægstu launa og boða til kosninga hið fyrsta.

Í þeim stórnarmyndunarviðræðum sem Steingrímur Hermannsson boðaði til með fulltrúum Alþýðuflokks; Alþýðubandalags og Kvennalista var farið mörgum fögrum orðum um félagshyggyjustjórn en jafnframt skýrt tekið fram að ekki stæði til að afnema frystingu launa með þeim rökum að þá riði yfir ný holskefla óðaverðbólgu. Sem sagt sökudólgurinn er enn talinn sé hinn sami - launafólk.

- Kvennalistinn telur að félagshyggyjustjórn verði ekki mynduð á grundvelli flokka heldur **málefna**.